



Broj: 08-01-05-13556/18  
Sarajevo, 03.05.2018.godine

**SKUPŠTINA KANTONA SARAJEVO**  
**-Predsjedateljica Skupštine-**  
**O v d j e**

**PREDMET: Odgovor na zastupničko pitanje**

Veza: Vaš dopis broj: 01-05-13556/18 od 06.04.2018. godine

Predsjedateljica Ana Babić je na 40. Redovnoj sjednici Skupštine Kantona Sarajevo, održanoj 04.04.2018.godine, u okviru tačke Dnevnog reda „Zastupnička pitanja, inicijative i odgovori“ u skladu sa Poslovníkom Skupštine Kantona Sarajevo, postavila zastupničko pitanje Vladi Kantona Sarajevo i Ministarstvu komunalne privrede i infrastrukture, a vezano za problematiku vodosnabdjevanja Kantona Sarajevo u nadležnosti KJKP „Vodovod i kanalizacija“ Sarajevo sa posebnim osvrtom na pitanje kreditnog zaduženja istog preduzeća i Kantona Sarajevo kod EBRD-a, i isto dostavila u pisanoj formi.

Pitanje:

1. U kojoj je fazi realizacija kreditnog zaduženja radi obnove vodovodne i kanalizacione mreže u Kantonu Sarajevo kod Evropske banke za obnovu i razvoj, te kada će navedena finansijska sredstva biti operativna kroz otpočinjanja procesa konkretne obnove predmetne mreže (datum operativnih kreditnih sredstava, datum otpočinjanja konkretnih građevinskih radova na obnovi predmetne mreže sa specifikacijom dijelova vodovodne mreže koji se rekonstruišu).
2. Imajući u vidu da su samo u mandatu ove Skupštine od 3 ( tri) godine ukupni gubitci KJKP „Vodovod i kanalizacija“ d.o.o.uzrokovani enormnim rasipanjem pitke vode kroz postojeću oštećenu vodovodnu infrastrukturu (prevashodno cijevi) ogromni, te da se još uvijek ne zna kada će se pristupiti i okončati bar urgentna sanacija, molim da mi se odgovori na konkretno pitanje: da li je u mandatu prošlog saziva Skupštine KS i Vlade KS provedena procedura kreditnog zaduženja kod iste Banke; da li je procedura kreditnog zaduženja bila završena, odnosno do koje faze operativnosti je predmetna procedura dovedena; Ako je navedeni kredit, u istom finansijskom iznosu zaduženju kao i sada, bio operativan, iz kojih razloga je isti aranžman OTKAZAN i od strane KOGA (Kantona Sarajevo ili EBRD-a).



3. Ako je kreditni aranžman iz tačke 2. OTKAZAN od strane Kantona Sarajevo iz određenih finansijskih razloga (plaćanje penala za nepovučena sredstva i sl) molim da nam se prezentiraju i dokumentuju egzaktni uporedni podaci između eventualne obaveze plaćanja navedenih penala i NASTALE FINANSIJSKE ŠTETE ZBOG ODLAGANJA REKONSTRUKCIJE VODOVODNE MREŽE za više od 3 (tri) godine.

### Odgovori:

Vežano za postavljena pitanja od strane uvažene Predsjedateljice Skupštine Kantona Sarajevo Ane Babić, Ministarstvo finansija daje slijedeće odgovore:

1. U toku su aktivnosti na pripremi Aneks-a na Podugovor o vraćanju zajma broj: 02-14-24402/17 od 21.07.2017. godine između Kantona Sarajevo i KJKP „Vodovod i kanalizacija“ koji bi otklonio navedeni zastoj u proceduri zaduživanja. Potom ide supsidijarno potpisivanje podugovora između Kantona Sarajevo i Federacije BiH; između BiH i Federacije BiH; davanje pravnih mišljenja u obliku i sadržaju koji zadovoljavaju Banku svih nivoa i druge radnje da bi EBRD proglasio efektivnost kredita o čemu službeno obavještava BiH.

Važno je istaći da je u skladu sa potpisanim Ugovorom o zajmu između EBRD-a i BiH (Odlomak 5.05.) već istekao datum stupanja na snagu Ugovora o zajmu, ali je Banka nakon razmatranja razloga za kašnjenje, produžila rok do 31.05.2018. godine i o tome službeno obavijestila BiH.

2. U skladu sa procedurama EBRD, u periodu 2010-2014. godina provedena je procedura zaduživanja koja je rezultirala donošenjem relevantnih odluka odgovarajućih nivoa vlasti.

Do kašnjenja u donošenju odluke o prihvatanju zaduženja Kantona Sarajevo došlo je zbog odbijanja prihvatanja obaveze preuzimanja otplate kredita i neispunjavanja preduslova iz Ugovora o zajmu od strane menadžmenta KJKP „Vodovod i kanalizacija“ i blokiran od strane Federacije BiH zbog nerješavanja problematike IDA kredita KJKP Toplane Sarajevo.

Zbog neispunjavanja naprijed navedenih uslova rok je od strane EBRD produžavan devet puta. Krajnji rok bio je 31.05.2014. godine, do kada je trebalo završiti sve preostale procedure vezane za pravosnažnost kredita.

Zaključkom Vlade Kantona Sarajevo od 23.05.2014. godine, broj 02-05-17181-2/14 usvojena je Informacija o kreditu EBRD za Projekat vodovoda i kanalizacije u Sarajevu i predloženo Skupštini Kantona Sarajevo da stavi van snage Odluku o prihvatanju zaduženja po Ugovoru o zajmu (Projekat vezan za vodovod i otpadne vode u Sarajevu) između BiH i EBRD, zbog negativnih efekata za Kanton Sarajevo koji proizilaze iz nastavka procedure (cca. 430.000 EUR do 30.03.2014. godine na ime provizije na odobrena a nepovučena sredstva i za svaki naredni mjesec cca. 12.500 EUR.) Otkazivanje Ugovora ne proizvodi nikakve finansijske posljedice za Kanton Sarajevo.

Materijal je dostavljen Skupštini Kantona Sarajevo koja je Informaciju primila k znanju, dok se u dijelu koji se odnosi na stavljanje van snage Odluke o prihvatanju zaduženja po Ugovoru o zajmu (Projekat vezan za vodovod i otpadne vode u Sarajevu) između BiH i EBRD („Službene novine Kantona Sarajevo“, broj 48/12) Skupština nije očitovala.



web: <http://mf.ks.gov.ba>

e-mail: [mf@mf.ks.gov.ba](mailto:mf@mf.ks.gov.ba);

Tel: + 387 (0) 33 565-005, Cent.+ 387 (0) 33 565-000

Fax: + 387 (0) 33 565-052 i 565-048

Sarajevo, Maršala Tita 62



3. Ugovorom o zajmu predviđeno je plaćanje provizije na odobrena a neiskorištena sredstva u visini od 0,5% na godišnjem nivou, koja se računa 60 dana od potpisivanja Ugovora o zajmu do prvog obračunskog perioda, (30.03.2014. godine). Prema procjeni EBRD ovaj iznos je bio 429.166,00 EUR. Nakon ovog datuma, nastavio bi se obračun naknade u zavisnosti od iznosa nepovučenih kreditnih sredstava (30.09.2014.). Važno je napomenuti da je zbog kašnjenja u postupku donošenja odluka, 31. decembra 2013. godine istekao grace period (vrijeme u kojem bi se Projekat implementirao), čime se skratilo vrijeme otplate kredita.

Da je kredit proglašen pravosnažnim, pretpostavljalo se da bi radovi počeli do građevinske sezone 2015. godine i nastavili 2016. i 2017. godine.

S poštovanjem,



**Prof. dr. Jasmin Halebić**

Dostaviti:

1. Naslovu
2. Stručna služba Vlade
3. Ministarstvo komunalne privrede i infrastrukture
4. MF – Sekretar
5. a/a

Pripremile:

- Elvedina Ademović,
- Lejla Elezović, dipl.

Sekretar MF  
Zejna Avdić, dipl.pra



web: <http://mf.ks.gov.ba>  
e-mail: [mf@mf.ks.gov.ba](mailto:mf@mf.ks.gov.ba)  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62

